


說部叢書弟三集八編

大荒歸客記

冉下

商務印書館發行



大荒歸客記下冊

第八章 紀小艇逾越重霧

小艇方值此柏德森島時預計百萬美金已唾手而得八十七度七分之限已蒞舉先者探險之名人派留所至猶增一分之譜在紐約豪富此類顧非創見然亦豪矣銅鑛大王哈蒲孫今且巨資矣燕士嘗與大王約既履奪標之所務於四十八時間發一電逾涵麥非斯以達大王爲報告並語總會間人而哈蒲孫時居紐約或尙掀髯大笑謂北極星之限期僅四月而四月間又止一月爲夏令過此且投錨那威之海灣則歸期一失此博立勝詎意卽以此時聞予勝報耶燕士立作一詳細之電文央杜退代發而司機之責則學士暫攝之摩托大王誦電旣畢曰此電彼或得之總會賽球時也吾預謠常日矯情自鎮之人一旦得此亦必懊喪萬狀其神情至可念也此舉成功卽減吾十載之年壽於

計亦得克羅拉則詎其夫勿樂減此十載去電之光線方止而北極星已有回音。電文首字卽爲萬歲。此電實發之威留船長稱船人已望見斯俾子克且於星期一抵北海之濱。盼佳消息。燕士得電立囑杜退復之通知船中人人咸取雙俸。自今日爲始。且一至北極尤必人資千元。斯時全艇喜氣洋溢。因念前此探險諸人以隻身冒險而來是間者。咸永永睽隔大陸之事。至遠者稱南生克利派留三氏。而三氏確蒞之地址。猶未宣告。南生之報告。則由那威避冬之漁人代挈歸國。而此行竟令地球諸人同時盡譖。苟星期一果蒞北極。則紐約日報尤必通電稱祝。燕士以得博進至欲舉觴爲賀。而僕浦則言艇間種種之飲料。香檳威司克之屬。咸已冰結。卽玻璃之杯亦以凍裂。則以熱水中滲櫻桃白蘭地酒。酒作小冰塊。溶於熱水之間。未幾而熱水冰矣。杜退時復問學士曰。茲或據緯度八十七五十分矣。茲者測量。舉何星爲標準。學士曰。猶以積薪星爲

準候此不特爲第一等巨星。其旁尤有附屬之河北星。隸第三等。此星雖無濟然亦足因以參攷。於此衆星繁萃之區。不爲淆亂。杜退聞此。以告女郎曰。如是吾距北極僅二百四十啟羅米達。或如巴利至維爾東。或蘇克琴之程途。博學之柏德森時曰。若亦譖地球於北極。乃爲扁狀。杜退曰。知之。柏德森曰。吾亦譖先生知之。譬如溫帶間之經度。在巴利爲百十一啓羅米達。及百三十二實之熱帶。且一百十啓羅至五百六十之數矣。杜退曰。此差至微。乃不足重。多者亦僅僅二啓羅之差。候柏德森曰。吾果抵北極。且詳測以告。吾當證明此中三百米達之差等。以吾器至精也。質言之。距北極猶有二百四十二啓羅也。燕士微笑曰。學士所言不已費二啟羅程途之時間耶。惟以重霧。苟抵北極。如盲人之入美術畫院。奈何。而又念將何術以止小艇之逾越極頂。燕士又曰。艇苟下降。所見益少。以霧近地爲愈重。杜退亦曰。朦朧之間。至不辨陸海。何必自陷奇險。

或直墜高原而碎。未可料也。夫人則曰。吾乃不信北極有高地。學士立止其言。曰。不特有之。高尤無極。夫人當譖高加索之峰。爲五千六百米達。喜馬拉雅之埃佛勒斯峯。爲八千八百米達。北極之高原。近似矣。人苟托地球於纖掌。此峯祇如橙頂之小痕。顧地軸構造。苟爲一柱。則杜退先生亦大難飛越柱頂。吾艇卽得繞柱一周。已蒙巨譽。何用是爲。燕士乃勿然其說。曰。吾信北極平扁如掌。指彼間所見。舍海當無一物。此吾乃敢一博。決無高原。如句語未畢。女郎已大驚呼。破其思索。曰。先生。吾乃敢與先生博。燕士曰。女郎若亦見貴邦白脫霍提。於進紐約時所建之自由神耶。女郎曰。雖未目擊。亦譖其偉。燕士曰。誠然。高度爲四十六米達。而吾乃距神顱以早餐。苟女郎得於北極覓地較像更高者。則吾爲負。然請言其數。女郎曰。百鎊可耳。燕士立允。博學之柏德森則曰。吾乃樂得高地。以供建築天文臺。設有一山爲建臺之基。則尤妙。雖小亦得。克利司登。

曰。如是吾乃爲先生籲。天然今重霧蒙天。先生且焉察。學士曰。吾思是間必同大陸。終年定有晴朗之朝。而冬季六閱月之長夜。必有佳天氣。氣候一佳。更輔之以星光。則愉快萬狀。顧吾之腦海。却時時懸念天文之臺。苟建者。且得俯瞭半球。兼察人種之來歷。燕士曰。先生乃樂爲臺中之總理。學士曰。至樂爲之。昔南生曾經零五十二度之嚴寒。而吾艇則爲零四十三度。嚴冷至足。任受毛皮及掩蓋之物。論功亦應受上賞。吾預料極寒之冬。是間亦僅零六十或零六十五之譜。是種氣候。於生活猶至便捷。一有食品。益以酒精者。則更佳矣。燕士曰。零六十五度。酒精冰矣。學士曰。否。酒精之至良者。以零百度成膠質。至零百三十度始凝爲冰。則吾人猶得其用。燕士曰。若然。酒精乃凌駕機器。石油而上之。吾石油大王不幾廢置。克利司登曰。若奚不可。更王酒精耶。燕士曰。王一國已大不易。朝夕踰勉。俾免隕越。一旦有新發明者。凌駕吾上。則王號立貶。柏德森

時則曰吾儕必戰勝此重霧百特里苟能升一千米達者益以儀器當足得一等之大星吾又敢必飛船之頂霧必更薄杜退曰先生須譖艇頂乃有蓋此蓋實阻吾測星之能若必欲得星則且闢小洞於船頂如前者僕浦所竊爲言此少息學士徑語杜退曰司令長官試聽之吾卽不能得北極星亦足測他星之觀象獲同等之結局如能同時得車夫宮之五車星天鵝宮之天津星不西厄斯宮之積尸星寶琴宮之織女星則儘天下績學之人亦不能疑吾未抵北極以數星者非北極而不得杜退曰先生果以此攷察爲必要者吾且直升小艇使出霧氣以狀卜之霧亦不大燕士曰此當主之於學士吾無預參之權學士續陳曰苟吾得畢譖數星尙須作一日球之觀察苟於北極以一定之時刻覩日球之位度則天文家亦當立譖測者所居之度里杜退曰吾此時僅有三百七十啓羅格蘭之壓重矣用之務持節減今且先去艇邊及陳陳之冰塊衆聞

司令一言立從事。燕士夫人亦至盡力。并臚列種種飲料於暖幕。小艇扶搖而上。杜退更擲壓重品三。迨下午二時。百特里已越千九百二十米達之高度。燕士指寒暑之針曰。此零五十七度。過是冷且不耐。夫人暨女郎時已入暖幕。加羊毛織之面具及便帽。而呼吸數數。面具已蒙冰線。顧小艇雖升。霧殊不薄。反似益厚。學士無已細加察檢。而成績亦等於未升。積尸星僅隱約可望。而小艇已臨八十九度十三分。距北極祇四十七分。合爲八十七啟羅米達。學士旣報告。度候於同人。艇中歡聲頓作。燕士更發無線電文。曰一小時間即抵正北極矣。回電未至。已釋電繩。呼吸亦阻礙。舉止不靈。竟似被一重鉅之大衣。杜退號曰。此時吾於舵輪。乃無感覺。燕士曰。尙以下降爲得。學士亦表同意。杜退力按洩氣之門。久久而手不能合。蓋雙指僵矣。則呼燕士。燕士立應。顧仍無效。學士試之亦然。則呼僕浦。此黑奴正拳臥成一圓形。聞呼立起。卽告以合門止氣。僕

浦應命。以全力曳此氣門。門立關於此。料峭荒寒之太清。初聞吁然有音。繼而咻咻然。杜退則覩壓力表立。曰速釋之。吾今千六百米達矣。僕浦立釋手。而洩氣依然。猶有餘響。不一瞬。艇且墜落。女郎則冒寒弗能動。惟有同命杜退之私念。夫人則俯伏幕前。納首籲天。帝請命僕浦。一不之覺。雙目僅注洩氣之繩。似謂吾乃勉力以事主。歡忭不已。且人被面具。亦不得矚主人容色之劇變。壓力之針已指五百米達。燕士則棄壓重之品。連擲三四袋。下降之速力遂銳減。而氣門猶開。球面已呈縐褶。洩氣如故。距地平止三百米達。此至短之途程。又何術止其下降。杜退初意。本擬力閉摩托之火門。驟停機力。以免輪貢之接地。一接者成蠱粉矣。顧欲免衝撞。則不如聽艇徐駛。目光直射壓力表。手把舵而轉。幸指力回復。不更牽掣。此一髮萬鈞之際。且以何術免傷小艇。術固有之。苟能同時釋艇邊之巨繩。令其徐達地平。則小艇亦足減五十啓羅格蘭之重。此繩

至巨。航空家乃目爲蝮蛇。燕士識杜退。指力雖復。猶不熟潤。結雖至尠。乃勿能解。小艇離地止百五十米達。一分鐘間。且立觸地。而下望平原皓白。在目。顧地平之霧。較凌虛爲薄。與一千米達上懸殊。至甚。學士之意。二千米達。以窺星球。反不如地平仰察爲清晰。在此瞬息之間。百特里已由百五十米下降。杜退時正回憶千九米達之景象。盡力擲壓重品。乃忘艇舵。仍據上升橫平之原位。舵位未變。下降如故。則力轉第二之舵輪。下降亦遂小止。距地一百米。達橫絕飛駛。此飛艇竟類一飛行機矣。其種理繁有別速力則每小時八十啟羅米達。杜退又得奇感。一若自信此艇之無礙。以彼譎速率愈大。則駕駛亦易。因率力開摩托之機。貢輪每分得轉千四百次。竟類被傷之巨鳥。迴翔天末。更以進風機之皮帶。掛於摩托。以入空氣。於第三氣囊中之小球。瞬息氣已滿載。易輕爲空。氣囊亦仍如紡綻之形。爲體已較重於空氣。以至速之率。駛逾大荒。

顧少息復緩。緩似非着地勿已。杜退見已近地。遂擲巨繩。而燕士釋繩猶未竣。以身中初無利刃。繼忽憶取水果之刀於大餐匣。而巨蛇遂蜿蜒下墜雪海。是時杜退復息火門。止其摩托。輪貢亦減動力。以迄於徐止。小艇附地。幸無巨震。以末次擲繩爲勢非猛。故及地之力亦減。而艇底摩托之冰車。則已墜落。杜退號曰。衆試緊持大繩。小艇着地。猶滑行數百米。達冰車繩球。盡曳後體。旣而艇止。腳架已深埋雪間。燕士夫人於暖幕見巨禍已泯。則大樂曰。燕士茲萬險都渺於十死間得一生寧。非亘幸。此眞帝力之援助矣。杜退拯此艇客。信爲績學。顧密邇北極。功敗垂成。良可慨也。時氣候自零五十八升至零三十二。故已不復嚴冷。而空氣亦稍鎮。不復浪動。南生當年之報告。謂曾留處北極。兩年數見法郎船之中尉漢生氏。風靜之候。僅御汗衣。登橋覘其儀器。而當時寒度爲零三十六。杜退處此景象。氣門猶開。深爲勿樂。顧猶百策。獲取閉門之法。初勿可。

得無已緣小艇而下。察此已繩之氣囊。以爲門之不閉。或爲僕浦猛力所曳。然仍勿可必。僕浦下繩之時。何以氣門又勿得下。則此中更有他因。時忽獲一策。以爲苟外就合氣門。則內部儲氣。當不虞更洩。足支一時之需。顧上升之梯。相距既遠。梯祇由氣囊附着鋼骨之架。然非於船廠脩繕之。殊不適用。杜退趨道北角而來。曾一上覘其氣門。而此上尙出北極星水手之協助。舍是更有他途。一吊梯直邇氣機。然赴氣門。須先持連接之繩索。猱登鋼架。以後始更上升。杜退時精力雖復。而猱升殊覺弗便。苟去手套之皮。以零三十度氣候。手接金屬。則直自陷其生。南生昔曾蒙一犬。進道北極之時。無意以舌舐船上之銅柱時。苟非水兵以火立熱銅柱者。其舌且與銅柱永永附合。而可憐之畜。將斷其咽喉之門矣。杜退於此等察之綦詳。且亦曾覩柏德森學士之雙腕。直冰膠於儀器。杜退思維至再。頓憶僕浦殊不畏冷。天生怪物。冒此重險。因立請燕士與之。

說解此氣門之樞紐。僕浦一舉手直係全船之安危。黑奴聞此神會至速。立攀登而上。一躍直至鋼骨之架。彼復循梯行轉瞬已據氣囊之頂。杜退念輕氣本爲探險人之生命。却類人之肺部儲養。所失一鉅。非可得補。而管中先儲之輕氣。起程之時。不無浪費。長此且勿勝六人。艇間食物固豐。苟更以冰車助人出險。則一車祇載二人。而距離法郎求懸夫。尙有千餘啓羅米達。長道焉得卽蒞。此氣囊立時而合。猶足勝重二人。若并食物帳幕巨繩諸品。咸加拋棄。則足載四人。而今有六人。且奈何。時僕浦出身氣囊之頂。面挾喜色。於是大地一白。黑奴亦頂雪齒牙眼珠都如白種。氣門既合。欣然下降。且當主人詳陳其狀。燕士則復以語杜退曰。氣門開閉之橡皮管。却已破損。燕士復申以己意。曰是或巨寒所致。探險之人咸譖零五十度。下百物咸冰。橡皮亦失回彈之力。以暨破裂。蓋氣門以鋼彈簧爲佳。顧百特里構造之人。乃勿譖北極之行。且上升二千米。

達嚴冷已達極點。則非司令失職。杜退念百特里殊無復活之氣象。或犧牲種種之輪貢機械。僅餘一氣囊。顧此非風信絕佳。又莫可得。萬念回惶。知覺都泯。乃爲柏德森之一呼而止。女郎亦前來。曰學士稱距北極僅僅三里之遙。燕士先生已先進逐汝前矣。

第九章 紀北極之旅行

杜退大驚。以爲北極之遙。僅僅三里。且以何術前進。苟於半時間前。得此消息。則百特里必以未損之貢輪。乘風直往。爲樂何如。顧今者趨進之心滋薄。自分此遭。探險竟委命於天。遄返正不可得。一念及是。不期深悲。女郎則指燕士前趨之路。雪深沒踝。履痕宛然。柏德森時近望遠之鏡。而立凝神。諦察時復仰首。似腦海中平日所貯。今茲湧現矣。燕士夫人仍居小艇之內。女郎曾見夫人。兢兢舉花點之國旗。敬奉燕士。然後復入暖幕。專誠禱祝。克利司登復曰。轉瞬夫。

人偕燕士上道矣。杜退則莊嚴其辭曰。女郎若當譖之。吾今乃無返棹之術。女郎詢何也。曰。此事吾僅足語女郎。小艇殊無任重諸人之力。以此必且遺四人或二人於大荒而大荒久駐求歸亦正難得。言次默然顧此少女小小潛思則曰。幸舍是勿言。此大可徐徐圖之。要着且前進及燕士愛禮粵特萬勿任彼一人進取吾直加若以命令必急起程。杜退曰。然卽循尊旨惟有一至要之事不可不加慎。須譖吾不在此。小艇覩風且立飛去。女郎苟據艇內爲勢尤險。幸先取少許食物於外更語僕浦曰。速持此繩冰野竟無維繫之物。女郎曰。艇事吾且司之。杜退曰。苟遇風起幸持繩而守艇颶興吾儕亡矣。女郎曰。吾且虔禱俟若歸來杜退轉詢學士曰。幸示我北行之道。學士曰。以小艇之方位更右行數度者得矣。杜退曰。若決爲三美里耶。曰。三美里更四百米達耳。至多亦止加二百米達。惟方位或小舛。以今觀積薪至不明瞭。今正測西比阿也。學士言此復

兢兢覘星度。杜退則轉身行。女郎正循小艇之梯而下。手一毛瑟予杜退曰。燕士乃未攜者。此數枚子彈亦可挾之上道。杜退遂行。至一百米達之遙。女郎忽呼之返曰。吾忘攜國旗矣。愛國哉女郎立以手指艇後冰雪迷朦之國徽。杜退

立返解之下。一手微振使冰雪徐落。杜退左鎗而右徽。女郎前曰。却不能如此。因取國徽插之腰裏。如圍帶。是時杜退更行。女郎竚立前望。徐徐僅有黑影。三色之旗復被雪而幻爲紫色。緊附黑影。杜退前進步武絕速。覓其正當之路。方者小艇已隱而不見。臨前爲絕大之平原。絕無山阜。直同大洋。以弗欲淆亂前行者之踪跡。則一一追逐。且默識步數。按之百米。達約百二十五步。則三美里四百米。達約有七千步之長程。時方二千步。忽聞一巨呼之聲。此聲出自何向。竟不可得。惟此萬籟岑寂之際。聽覺絕了。音似求救。或出自百特里女郎之狂呼。然熟思距艇已遠。安得如此清晰之音浪。因以更進北趨。循此足印。須臾

第二之呼聲復起。此次乃明譖自北而來。則必爲燕士無疑。其爲得北極而歡。忭奏凱歎。又却不類。杜退計行三千四百步。而呼聲乃挾危急。因復勇往。而復懼失足致仆。兼顧履印。然印旁乃復有一奇異之足跡。似爲獸掌。顧北極不毛之地。僅有冰熊一種。杜退旣譖。步武更速。且整鎗枝。及登一較高之冰丘。鎮靜小立。已見二十米達前。演此可危之劇。燕士直仆雪中。巨熊上臨。伸爪欲裂。而足前花星之國徽。已爲熊掌所損。杜退立躍前進。入人熊之戰地。熊方從事剖解。竟不譖後來之狙伺。舞爪至樂。甲尖絕銳。被以重毛。口亦大張。露二行巨齒。相距至二米。達立準瞄線。對獸口擊射。此彈絕準。一發獸首立落。如萍果之墜地。其體則俯伏燕士之身。杜退竭力移去獸骸。燕士兢兢起立。抱杜退狂號曰。司令長官。汝來稍遲者。吾休矣。燕士曰。救吾初着。實賴此國徽。及毛皮大衣。蓋冰熊於途中躡我。值吾稍轉。卽來行撲。無奈則取北極星中之國旗爲軍械。搖